

N/r Ministarstvo saobraćaja KS, ministar Mujo Fišo

**Predmet: Inicijativa za uklanjanje parkinga ispred Zemaljskog muzeja u Sarajevu**

Poštovani,

Na osnovu mnogobrojnih zahtjeva građana Sarajeva molim Vas da poduzmete krajnji napor na uklanjanju parkinga koji je u vlasništvu private osobe, a koji se nalazi ispred zgrade Zemaljskog muzeja u Sarajevu i time narušava dostojanstvo i pristup jednoj od najznačajnijih institucija kulture.

Obrazloženje inicijative:

Zemaljski muzej je kulturna institucija od posebnog značaja kako za Sarajevo tako i za kompletnu državu i kao takva zaslužuje da se prema njoj svi ophode sa dužnim poštovanjem. Ova institucija je jedna od posljednjih utočišta kulturno-istorijske baštine naroda Bosne i Hercegovine i svjedok o postojanju i suverenosti države Bosne i Hercegovine. Građanima Sarajeva, kao i građanima drugih gradova Bosne i Hercegovine i mnogobrojnim turistima koji posjećuju naš grad se šalje veoma loša slika sa parkingom koji se nalazi na prilazu zgrade. Smatram da postoji još mnogo drugih i primjerenijih lokacija za smještanje parkinga od toga da se isti nalazi ispred zgrade Zemaljskog muzeja.

Uzimajući u obzir navedeno apsolutno je neprimjereno da se u Glavnom gradu jedne evropske države nalazi parking ispred tako značajne institucije.

Ako nam je želja a vjerujem da svima nama jeste, da uradimo sve na promociji našeg Sarajeva na evropskoj i svjetskoj mapi svijeta kao urbanog i kulturnog centra koje baštini bogatu kulturno-istorijsku baštinu, smatram da ćemo poduzeti sve neophodne korake kako bi i mi doprinijeli u tome.

S poštovanjem,

Predsjedateljica Skupštine Kantona Sarajevo

prof. Ana Babić